

Gvangjsih Minzczuz Bau

广西民族报 ganhhau: CN45-0036 B.2020 Nd.11 Ng.25 liggaueq gengcej nienz ndwencib cib'it

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3450 geiz
Geiz neix 8 banj

Daihhaj Gaiq Daengx Gih Siujhagseng Doxdax Aeu Vahcuengh Gangj Gojgaeq Youq Nanzningz Guh

Bonjbauq siusik (gicej Veiz Yiveij sizsizswnggh Cau Gozyui Cwngh Yijcouh) 11 nyied 14 hauh daengz 15 hauh, aen hozdung daihhaj gaiq daengx gih siujhagseng doxdax aeu Vahcuengh biucinj gangj gojgaeq youq Nanzningz Swhfam Dayoz Cangz-gangh Yaugih guh, baez doxdax neix youz Swcigih Gyauyuzdingh guhdaeuz banh, Nanzningz Swhfam Dayoz ciep-

banh.

Baez doxdax neix, doengh baux-doxdax gangj gojgaeq neiyungz lai cungj lai yiengh, miz gojgaeq minzczuz doxgiet, gunggeng duetgungz, dingj-hoenx binghraq bwtndat daengj, hix miz gojgaeq lwnh dauhleix, bauxvunz lizsij daengj, cawjdae z cingcu, dajheiq hawj vunz gya rengz, fatyengz le sevei cujiy chehsim gyacizgvanh

caeuq gij cingsaenz seizdaih, langh-baij gij swhsiengj cawjdae z minzczuz doxgiet baenaj caeuq cukmaenh aen eiqsik Cunghvaz minzczuz dox-caemhcaez. Mwh doxdax, haujlai bauxdoxdax lij eu fwen, diuq foux minzczuz, daz ngeihyienz, dwk vaiq-banj daengj, baenzneix coengh gangj gojgaeq, neix langhbaij doenghboux hagseng ndaw ban Cuengh Gun song

saw vah de dungxcaiz lai dinfwngz riengj, hawj doxdax lai ndeyawj raeuh.

Baez doxdax neix gungh miz 122 bauxdoxdax daj daengx gih 37 aen yienh (si, gih) daeuj doxbeij. Ginggvaq song ngoenz doxdax, gungh bingz ok 20 baux ndaej itdaengjciengj, 44 baux ndaej ngeihdaengjciengj, 58 baux ndaej samdaengjciengj.



Lozcwngz: Vunzlai Angqhoh Daengx Yienh Duet Mauhgungz

11 nyied 20 hauh, youq Lozcwngz Mulaucuz Swciyen gizdieg nda vunz senj dieg banggungz de couhdwg "Diegyouq Mulaui" segih, gyoengqvunz Mulaucuz senj dieg youq giz neix de doengzcae z eu gij fwen Mulaucuz gag bien de, lumj "Dangj dwg daenggoenz rongh lwgminz, rongh hawj lwgminz angqyangang. Onj youq gya z hong miz baujca z, aencingz aendangj cungj mbouj lumz." Cungj fwen neix lij miz haulai dem. Gyoengqde baenzneix angqhoh daengx yienh duet gungz vut mauh bae.

(Liu Gvanghfuz)

Gih Raeuz 54 Aen Yienh Gungzhoj Ndae j "Duet Mauh" Caez

11 nyied 20 hauh, Swcigih Yinzminz Cwnghfuj cinjhawj Yungz-suij, Sanhgyangh, Nazboh, Lozyez, Lungzlinz, Lozcwngz, Dava, Duh'anh 8 aen yienh (swciyen) gungzhoj haenq-remq neix ndaej daj ndaw mingzdan yienhgungzhoj cawz okbae. Daengz seizneix, Gih raeuz sojmiz doengh gyauejvunz gungzhoj hwnj dangian ndaw 106 yienh (si, gih) miz yinvu guh hong banggungz haifat de duetgungz liuxcae z lo, 5379 aen cunh gungzhoj cawzok mingzdan liuxcae z, 54 aen yienh gungzhoj ndaej "duet mauh" caez.

Daj laemxsim hingzdingh hoenx

ciengz ciengq gunggeng duetgungz doxdaeuj, yienznaeuz cienzngaenz mbouj gaeuq, danhseih gih raeuz yungh haujlai cienzngaenz bae guh hongsaeh gunggeng duetgungz. Daj bi 2016 doxdaeuj, daengx gih nda gak gaep caizcwng ok 729.65 ik cienzngaenz cienmonz, suenq daeuj bingz-yaenz moix bi gyalai 25%. Vihliux bauj daj goek guh ndei hong duetgungz, gih raeuz dawzcinj bangfuz moix aen mbanj moix aen ranz vunz moix baux vunz, doigvangq gij daegsaek canjnieb "5+2" yienh gaep, "3+1" cunh gaep, daengx gih canjnieb guh doh sojmiz dieg 96.8%, bi' gvaq

daengx gih doenghgij ranz gungzhoj hwnj dangian de moix baux ndaej 1.06 fanh maenz souhaeuj cinghseuq.

Ciuq gyoepsuenq, mboengq gunggeng duetgungz, daengx gih gungh senjok caemhcai q baij ok 5379 baux suhgi daeuz caeuq 3.7 fanh baux gunghcoz duiyenz roengz mbanj youq, nda 52.3 fanh baux ganbu caeuq ranzgunzhoj gap baenzdoi h bangfuz, guhdaengz mbouj lau saek ranz saek baux. Youq ciengz ciengq mbouj raen siu mbouj miz hoenz neix, miz 167 baux ganbu vih guh hongsaeh banggungz daimingh lo.

(Dungj Vwnzfungh Vei Hwngz)

SIUSIK DINJ

● 11 nyied 17 hauh, Guek-gya Minzveij ok dunghcih, dingh 20 aen deihfueng guh daihseiq buek "daengx guek aensingz yienghbanj fugsah guenjieix vunz riuzdoengh saujsu minzczuz", Nanzningz Si ndaej hwnj buengj, dwg Gvangjsih aen hawsingz dog ndaej hwnj buengj.

(Veiz Yenzfuz)

● Bineix doxdaeuj, Vanz-gyangh Mauznanzcuz Swciyen gungh banh 5 ciengzbaez yienh-ciengz cauhbinvei, gyawj 100 aen giyez daeuj aeu vunz, ok 9000 lai aen vihhong; vanzlij lwnh vunzlai rox gij saenqsik fanh lai aen vihhong, coengh vunzhong ranz-gungzhoj ndaej gaj guh hong wnq.

(Gingh Yaulinz)

● Daj bineix doxdaeuj, deng binghra q cungdongj, Nanzdanh Yen gag rox haenqrengz guh, hawj moix ranz miz baux ndeu doxhwnj miz hong guh. Suenq daengz 10 nyied daej, aen yienh neix 4233 ranz senj dieg youq de, miz 9884 baux ndaej hong guh, aen yienh neix 1.83 fanh vunz ranzgunzhoj ndaej okrog bae guhhong.

(Liu Ginglingz)

● Daj bi 2016 doxdaeuj, Gveibingz Si youq 151 aen mbanj guh sat roensuijniz caeuq giuz mbanj gaep, caemhcai q youq doenghgij mbanj mbouj dwg mbanj gungzhoj youh miz 20 ranz doxhwnj de guh roensuijniz, gyoepsuenq guh 5640 diuz roen cunh, mbanj gaep, gungh raez 4096 goengleix, neix couh daj "cunh cunh doeng" roensuijniz bienq baenz "mbanj mbanj doeng" roensuijniz.

(Liuz Cauh)